

## سوڈان کرائسز

یونائیٹڈ نیشنز ۽ گنٹنگ ۽ رد ۽ اے وھد ۽ سوڈان کرائسز انسانی بند پتر ۽ مسترین تباہی انت کہ اے میان ۽ 1 لکھ ۽ 50 ہزار مردم تنی وھدی بیران بوتگ ۽ یک کروڑ ۽ 40 لاکھ مردماں اے وھدی وتی لوگ ۽ جاہیل کنگ ۽ دگہ ہند ۽ دمگاں ازائیں زندگوازینگ ۽ آنت ۽ اے جنگ انگت برجاہ انت۔ اپریل 2023ء کہ اے جنگ بندت بیت گڑا بلکیں کسے اے تباہی ۽ گمان ۽ مہ کنت کہ مروچی مارا سوڈان ۽ گلی ۽ کوچک ۽ آئی ۽ دارا لکومت خرطوم ۽ گندگ بوگ ۽ انت۔ اے جنگ ۽ بنیاد دو جرنیل ۽ میان ۽ انت کہ آھانی تہ ۽ یکے سوڈانی آرمی ۽ سربراہ انت کہ آئی ۽ نام جنرل عبدالفتح البرحان ۽ دومی سوڈانی آرمی ۽ یک فوجی شاکے کہ Rapid Armed Force نام ۽ زانگ بیت آئی ۽ سربراہ جنرل محمد ہمدان ڈگوانت کہ آھاں اے میان ۽ وتی ملک ۽ سر ۽ آس ۽ اگا کنگ چرے ذاتی جنگ ۽ تباہی ۽ انجیں درچے بندت بوتگ کہ آئی ۽ سیت انسانی جان ۽ بنیاد ۽ یو کرین ۽ روس ۽ جنگ، حماس ۽ اسرائیل ۽ میان ۽ بوتگیں جنگ ۽ چہ ہم گیشتر انت۔ ایثانی تاکت ۽ کنگ ۽ جنگ کہ زی اے یکیں لشکرے ۽ بستار ۽ کار ۽ بوتگ آنت ۽ نون یکے دومی ۽ ہلاپ ۽ سلاہ بند بوتگ آنت۔ ایشاں سوڈان ۽ را انجیں کرائسز ۽ آماج کنگ کہ اے وھد ۽ اود ۽ لس مھلوک چہ بنیادی آسراتی بزاکتہ ورگ، وانگ، و سپگ، لوگ ۽ جاہ، پہ زندگ بوگ ۽ میڈیکل لوٹاں ہوار آدگہ جنگی آسراتیاں چہ زہر آنت ۽ یک کروڑ ۽ 50 لکھ ۽ گیش مردم وتی لوگ ۽ جاہاں چہ در لڑاتگ آنت۔ کسے پہ ساؤتھ سوڈان، کسے چاڑ کسے یوتیپا ۽ تہ ۽ بدترین Refugees زندگی کنگ ۽ پہ مجبور انت، یک رپورٹے ۽ رد ۽ ایوک ۽ سوڈان ۽ دارا لکومت خرطوم ۽ 61 ہزار ۽ گیش مردم چہ تیر ۽ تپنگ، گزٹن ۽ جنگ ۽ ہوار آدگہ سبب ۽ مرگ ۽ آماج بوتگ۔ باز انجیں Refugees کیمپ ۽ الا کہ ہست آنت کہ اود ۽ یو این ۽ آدگہ ایجنسیاں میان ۽ Famine ۽ جار پرتنگ کہ براں اود ۽ گزٹن ہزارانی کساس ۽ مردماں کنگ ۽ انت ۽ آھانی رکنگ ۽ ہاتر ۽ چرنگیں دگہ آسراتی چہ جنگ ۽ سبب ۽ نیست انت۔ اے وھد ۽ گیشتریں مردم چہ یو این ۽ آدگہ ادارہانی نیمگ ۽ چہ سپائی کنگیں ورگ ۽ وردن ۽ سبب ۽ زندگی کنگ ۽ آنت بلنے چہ گزٹن ۽ آدگہ سبب ۽ مزین کساس ۽ جتائیں بیماریاں آماج آنت۔ میڈیکل ہیلتھ کیئر کہ سک ۽ کسانیں پپانہ ۽ اے تباہی ۽ توک ۽ مردمانی کسانیں میڈیکل مکے ۽ برجم دارگ ۽ جہد کنگ ۽ انت، ہم جتائیں ارش ۽ حملہانی آماج انت ۽ انو ۽ داں میڈیکل کیئر ۽ گوں بندوکیں 188 مردم جنگ ۽ کنگ بوتگ، ۽ ٹپی ۽ کساس ۽ آنت۔ چہ یو این ۽ نیمگ ۽ سوڈان کرائسز ۽ ہوالہ ۽ دنیا ۽ جتائیں مکانی ہاموشی ۽ سر ۽ افسوس کنگ بوتگ، غزہ ۽ یو کرین کرائسز ۽ سبب ۽ سوڈان ۽ ہستیں جنگ چہ دنیا ۽ اندیم

انٹرنیٹ تباہی و چھوڑ دوئیں جنگ و گیش آنت۔ پاورسیاست و چھماں اگان بچارے گڑا زانگ بیت کہ اپریکہ دنیا سیاست و تہ و چھ رنگیں اہمیت دیگ نہ بیت پرچا کہ آئی و سیت گوں میاں استمانی بیچ تا کتوریں ریاستاں گوں بندوک نہ آنت۔ اے نبشائنگ و سوڈان و زوتاں چست بوئگیں کرالسز و انیں و اے زانگ و جہد کنیں کہ زمانگے برطانیہ و یورپی قبضہ و ہلاپ و مزاحمتی گڑ و انقلابی جدوجہد و مرکز مروچی پرچا اے جاگہ و اوشتانگ کہ او و زندگی کنگ ہم یک ازابے جوڑانت۔



جنرل محمد ہمدان ڈگلو



جنرل عبدالفتح البرحان



سوڈان و یک Refugee camp و ندرگ

## سوڈان بُندِ پترے کسانیں پچارے




سوڈان ءِ نقشہ ءِ آئی ءِ سیمسر

سوڈان اپریکے ءِ اسلامی ملکے کہ آئی ءِ سیمسر گوں چارے، لیبیا، یمن، یوٹیا، ساؤتھ سوڈان ہیر پٹریا ءِ مطرے گوں لگیت، سوڈان ءِ آبادی 2022 ءِ رپورٹ ءِ رد ءِ کساس 4 کروڑ انت ءِ ملک ملٹری ڈکٹیٹر شپ ءِ آماج انت۔ سوڈان ءِ اسلام مزہب گیش پریکٹس کنگ بیت، زبان عربی ءِ انگلش گپ کنگ بنت۔ سوڈان بُندِ پترے ءِ کونتریں ءِ نامی نہیں دو دمانے ءِ بستار ءِ زانگ بیت ءِ مملکت کش ءِ لوگ زانگ بیت، ہفتمی کرن ءِ سوڈان ءِ اسلام ءِ سان گیش گندگ ءِ کایت ءِ اسلام مذہب ءِ بنیاد ءِ سوڈان ءِ شنگ ایت ءِ جاگہ کنت ءِ لس مھلوک ءِ زندگی اسلامی آداب ءِ وسیلہ ءِ جنزگ بندت کنت۔ سوڈان ءِ اوں چو اپریکے ءِ ایندگہ ملاک یورپی ایر دستی ءِ بدترین وھد


دیسٹگ ءِ گوازیٹنگ کہ کساس یک سد ءِ بیست سال داں سوڈان ڈنی کیزہانی آس ءِ سچک ءِ بوتگ۔ بندت ءِ سوڈان ءِ را مطر چہ سلطنت ترک ءِ مک ءِ ایر دست کنت ءِ اے ایر دستی ءِ وھد ءِ سوڈان ءِ ءِ انساناں گلام ءِ حساب ءِ بہانگ ءِ رواج سک ہھم بیت ءِ سوڈان ءِ مردم اپریکین دنیا ءِ جتائیں بازاراں گلام ءِ حساب ءِ بہانگ بنت۔ اشی ءِ ہوار سوڈان ءِ زمینی مڈی اوں مز نہیں کساسے ءِ پلگ ءِ برگ ءِ لٹ ماری ءِ آماج بنت۔ مطرے اے قبضہ چہ سلطنت عثمانیہ ءِ سبب ءِ برجم دارگ ءِ سوہمند بیت ءِ اے قبضہ 1820 ءِ بگرداں 1885 ءِ داں برجم مانیت، پداہے قبضہ ءِ ہلاپ ءِ مہدی انقلاب مارا گندگ ءِ کیت، کہ اے سوڈانی اسلامک رہشونے بیت ءِ اے مطرے قبضہ ءِ ہلاپ ءِ بغاوت کنت ءِ مہدی ریاست ءِ اعلان ءِ کنت، بلے ہے ریاست دیر ءِ داں جنزرات نہ کنت ءِ پدازوت مہدی ءِ را برطانیہ ءِ مطر ہوار شکست دینت۔

1899 ءِ چہ سوڈان ءِ سر ءِ پدا برطانیہ ءِ مطر ہواری ءِ قبضہ کن آنت ءِ اود ءِ حکومت ءِ زندگی ءِ ایندگہ چست ءِ ایراں وتی دست ءِ چیر ءِ کن آنت ءِ لس مھلوک ءِ گوں جتائیں زلم ءِ ذراکی ءِ ہوار سوڈان ءِ مال ءِ مڈیاں لٹ ءِ پل ءِ آماج کن آنت ءِ برطانیہ وتی ایندگہ کالونیائی حساب ءِ سوڈان ءِ ءِ اوں ہاگلامی ءِ قبضہ ءِ پیٹرن ءِ جنزین لیت کہ اے دگہ کالونیاں جنزینگ ءِ بیت۔ برطانیہ ءِ قبضہ ءِ سبب ءِ سوڈان ءِ ءِ نسلی تپاوت سک شاہیگان بیت ءِ جتائیں دمگاں مذہبی ءِ نسلی بنیاد ءِ مردم یکے دوئی ءِ ہلاپ بنت۔ مز نہیں جھد ءِ برطانیہ دوئی جہانی جنگ ءِ پدوتی ہینتنگیں پالیسی ءِ رد ءِ وھدے کہ سوڈان 1956 ءِ کہ وتی آزادی ءِ گیت،

گڑا ایندگہ آزادیں ریاستانی پیہم ء قومی ترقی ء دیرونی ء بدل ء خانہ جنگی، مذہبی ء نسلی بنیاد ء کیے دومی ء ہلاپ ء جنگ بندت بنت۔ نار تھ ء ساوتھ ء نندو کیوں سوڈانی مھلوک کیے دومی ء ہلاپ ء جتائیں وھد ء سلاہ چست کن آنت ء کیے دومی ء ہلاپ ء جنگ کن آنت۔ سوڈان ء مھلوک ء میان ء بنداتی خانہ جنگ آزادی ء چہ سالے پیش 1955 ء چہ بندت بنت ء 1972 ء تک ایش جنگ برجم مان آنت کہ چریشی ء چہ ہزارانی کساس ء مردم کشگ ء دگہ زور کیے دومی ء سر ء کنگ بیت۔ Addid Ababa Agreement ء رد ء سوڈان ء تہ ء سول ء وار چندیں وھد ء واستہ هلاس بیت بلے جنگ هلاس نہ بیت ء چندیں سال ء آسودگی ء پد 1983 ء یک رندے پد سوڈان ء توک ء ساوتھ ء نار تھ ء میان ء خانہ جنگ بندت بیت کہ آگوست نیگ ء چہ ہتر بیت ء مزینیں کساس ء انسانی جان چہ اے جنگ ء زوال بنت۔ اے جنگ گوست نیگ ء چہ پنج سال مستر بیت ء 22 سال ء داں برجم مانیت ء سوڈانی راجمان ء تباہی ء آماج کنت۔ 2005 ء وھداں سوڈان ء الیکشن کنگ بنت ء ساوتھ سوڈان ء وتی جتالک ء ریاست ء واستہ ووٹ کنت ء جتائیں ء آزادیں ریاست ء جوڑشت ء جار ء جنت، 2011 ء ساوتھ سوڈان جتائیں ریاستے ء حساب ء آزاد بیت، بلے سوڈان ء جیڑہ انگت هلاسی ء نام ء نزنات۔ چٹسکہ ساوتھ سوڈان ء گور ء چندیں دگ هست کہ اود ء آکل هست گڑا اود ء کسانیں جڑپ ء جنگ بوان بنت بلے مزینیں جنگ نہ بیت کہ 2021 ء چہ پد ایک نوکیں خانہ جنگی ء درج سوڈان ء بندت بیت۔



مھدی انقلاب ء آسر ء فوگیر بوتگیں کمانڈر مھمد



Addid Ababa Agreement ء 1972

## سوڈان ء آجونی ء رند، فوجی قبضہ ء مہند پتری درج

سوڈان ء بازیں جیڑہ ء جنجال ہست آنت کہ آہانی سبب ء سوڈان ء سیاست ء دیروئی نہ کنگ، معاشی ہوالہ ء کنگالی، سیاسی ہوالہ ء بے شعوری ء ڈیموکریسی ء مہکم نہ بوگ، سیاسی پارٹی ء شریں ء مھکمیں رھبندے ء نہ بوگ ء سبب ء، ءدگہ سک بازیں جیڑہاں ہوار سوڈان ء سیاسی تباہی ء اے جاوراں سر بوگ ء توک ء مستزیں کرداراں چہ یکے سوڈان ء توک ء بار بار بو تگیں فوجی بغاوت ء اقتدار ء سر ء قبضہ کنگ آنت۔ اقتدار ء قبضہ ء واستہ بار بار فوجی بغاوت ء سوڈان ء توک ء ہیچ ادارہ ء میچور بوگ ء ترقی ء دیروئی ء نیشنگ کہ چریشی ء سبب ء سوڈان خانہ جنگ، وت ماں وتی کشت ء کوش ء تباہی ء راہ گپتنگ ء مز نیں زمین ء مز نیں کساسے ء مڈی ء بوگ، تاریخی جدوجہد ء بوگ، آزادی ء ہلاپ ء جہد، مھکمیں دو دمان ء بوگ ء ابید ہم مروچی سوڈان سیاسی، معاشی، انسانی ء راجمانی، ہندی ء جنگی تباہی ء دیسپان آنت ء لکانی حساب ء انسان پہ گزن مرگ ء آماج بو ان آنت۔

وتی آزادی ء دو می سال ء سوڈان ء توک ء اولی فوجی بغاوت ماراجزل ابراہیم عبود ء نیگ ء چہ گندگ ء کئیت کہ آ نومبر 1958 ء فوجی بغاوت ء گوں جمہوری حکومت ء ہلاس کنت کہ آئی ء تہ ء مز نیں کساسے ء بہر ء بانگی ہوار بیت۔ وتی فوجی حکومت ء جوڑ کنگ ء گوم ء جزل عبود ملک ء توک ء دراہیں سیاسی پارٹیانی سر ء پابندی جنت ء فوجی حکومت ء قانونی حیثیت دنت۔ بلے جمہوری ء سیاسی تجربہ نہ بوگ ء ساؤتھ سوڈان ء توک ء ترندیں قانون پاس نہ کنگ ء مھلوک ء راجتائیں اڈ ء جنجالانی آماج کنگ ء پد مھلوک ء چہ فوجی حکومت ء ہلاپ کنگ بیت ء آئی ء پالیسیانی ہلاپ ء مھلوک چست بیت ء آلاچار کنگ بیت کہ 1964 ء چہ حکومت ء دز کش بہر بیت۔ ء یک رندے پد اچندریں سالانی واستہ ملک ء توک ء جمہوری عمل ء سیویلیں حکومت آرگ بیت۔ چشکہ سوڈان ء فوجی جزیلانی مزاج انچش بیت کہ آسیسی ء جمہوری حکومت ء داں دیراں او پارکت نہ کن آنت۔

دومی فوجی بغاوت سویلیں حکومت ء پنج سال ء توک ء واپس گندگ ء کئیت کہ وھدے کرنل جعفر نمیری سیاسی ماحول ء توک ء ہستیں عدم استحکام ء چہ پادگ چست کنت ء سیاسی حکومت ء گوں فوجی حکومت ء ہلاس کنت ء ملک ء توک ء یک رندے پد فوجی حکومت کارایت۔ کرنل جعفر نمیری یک سو شلسلے ء بنیاد ء وت ء پد رکت ء سیاسی ہوالہ ء گوں کمیونسٹ حکومت یو ایس ایس آر ء گوں نزکی کنت۔ بلے ساؤتھ سوڈان ء جاوراں انگت سر جم ء نہ گیش ایٹ ء نسلی بنیاد ء سوڈان ء تپاوت برجم مانیت۔ چشکہ سوڈان ء توک ء اسلامک بنیاد پرستی ء سوچ مہکم بیت ء کرنل نمیری ء بازیں پالیسی لس مھلوک ء تب ء نہ

کپ آنت ۽ کرنل نیروبی ہم یک مھکمیں سیاسی حکومتے ۽ جوڑکنگ ۽ بے سوب بیت ۽ پاور ۽ گیش وئی دست ۽ کنگ ۽ جھد ۽ کنت۔ جتائیں پریکشانانی نیمگ ۽ نیروبی ۽ کنگ ۽ بازیں کوشت بیت بلے آئی ۽ چھ نہ بیت داں آئی ۽ هلاپ ۽ دگہ یک فوجی بغاوتے کیت۔

کرنل نیروبی ۽ معاشی تباہی، سیاسی عدم استحکام، ۽ لس مھلوک ۽ نیمگ ۽ چہ آئی ۽ هلاپ ۽ منظم بو تگیں جھد ۽ سبب ۽ اسلامی بنیاد پرستاں موہ ریت کہ آئی ۽ هلاپ ۽ سو بمندیں بغاوتے بہ کن آنت ۽ جنرل عبدالرحمن سوار الذهب ۽ سروکی ۽ چہ یک رندے پدا فوجی بغاوتے دیم ۽ کیت ۽ 16 سال ۽ نیروبی ۽ فوجی حکومت هلاس کنگ بیت ۽ یک نوکیں حکومتے ٹینگ بیت۔ اے سوڈان ۽ چندیں مدت ۽ توک ۽ سسی فوجی بغاوت بیت انت۔ جنرل عبدالرحمن سوار الذهب ۽ نیمگ ۽ چہ لس مھلوک ۽ را وعدہ کنگ بیت کہ ملک ۽ توک ۽ جمہوریت بحال کنگ بیت ۽ یک سال ۽ حکومت پدا سوڈان ۽ توک ۽ 1986 ۽ یک رندے پدا سیاسی جمہوری حکومت ۽ بحال کنگ بیت۔ اے سوڈان ۽ توک ۽ جمہوری سیاسی عمل ۽ یک نوکیں فیڑے کہ بندت بیت۔ بلے سوڈان ۽ سیاسی نیچرھے وڑ بو تگ کہ جمہوری سیاسی حکومت کہ لس مھلوک ۽ نیمگ ۽ چہ جوڑکنگ بو تگ آداں دیراں نہ ججزاتگ۔

چارمی فوجی بغاوت مارا اے وهداں گندگ ۽ کیت کہ وهدے عمر البشیر ۽ نیمگ ۽ چہ اسلامسٹ نیشنل اسلامک فرنٹ ۽ حمایت ۽ چہ لس مھلوک ۽ نیمگ ۽ چہ منتخب بو تگیں صادق المہدی ۽ سیاسی جمہوری حکومت ۽ را هلاس کنت ۽ آئی ۽ جاہ ۽ یک اسلامک ملٹری ڈکٹیٹر شپے جوڑ کنت۔ البشیر چہ گو تگیں جنرل ۽ چہ شیوار تربیت ۽ اے گپ ۽ جو انیں وڑے ۽ سما کنت کہ اگاں من فوجی تاکت ۽ بجاہ نہ گیشینت گڑ سوڈانی سیاست ۽ نیچر ہمیش انت کہ منی هلاپ ۽ ہم زوت فوجی بغاوت گندگ ۽ کیت۔ آے تھریٹ ۽ را هلاس کنگ ۽ واستہ فوج ۽ تاکت ۽ گیش سنٹر الا نر کنت ۽ وئی دست ۽ کنت اش ۽ وئی تاکت ۽ برجم دارگ ۽ واستہ ۽ آبد تریں جبر ۽ زلم ۽ زور کی کنت۔ البشیر ملک ۽ توک ۽ اسلامک قانون ۽ گیش کنت ۽ لس مھلوک ۽ گیش وئی تاکت ۽ توک ۽ پابند کنگ ۽ جھد کنت۔ آئی ۽ حکومت ۽ وهداں یک رندے پدا سوڈان ۽ توک ۽ سول وار بندت بیت، ۽ اے سول وار گڈی ۽ سوڈان ۽ ریاست ۽ پرشت ۽ پروش ۽ نیمگ ۽ روت ۽ ساؤتھ سوڈان یک جتار یاستے جوڑ بیت۔ اشی ۽ حکومت ۽ میان ۽ دار فر نسل کشی ہم کنگ بیت کہ آئی ۽ سوب ۽ لکانی کساس ۽ مردم جنگ ۽ کنگ بنت۔ اش دراھیں کنت ۽ کوش البشیر ۽ حمایت ۽ چہ بنت ۽ آوتی تاکت ۽ حکومت ۽ سوڈان ۽ رکنگ ۽ اے کاراں کنت۔ لس مھلوک ۽ هلاپ کنگ ۽ ڈنی ادارہانی نیمگ ۽ چہ نگیری ۽ ابید البشیر سوڈان ۽ سر ۽ 30 سال ۽ داں حکومتی کنت ۽ سوڈان ۽ سیاسی، معاشی، فوجی ۽ دراھیں تاکت ۽ وئی دست ۽ کنت ۽ اے میان ۽ سوڈان گیشتر تباہی ۽ آماج کنگ بیت۔


پنجمی بغاوت 2019ء اے وھداں دیم ء کیت وھدے البشیر ء زلم ء زور کیانی هلاپ ء لس مھلوک مز نیں کسائے ء زھر شانیاںی در چے بندات کنت ء بشیر ء مجبور کن آنت کہ آچہ حکومت ء در بنیت ء ڈکٹیٹر شپ هلاس کنگ ء جمہوری ء سیاسی حکومتے بحال کنگ بہ بیت۔ لس مھلوک ء اے زھر شانیاں چہ جنرل فتاح البرہان عوامی دبا ء چہ پاندگ چست کنت ء فوج بشیر ء چہ حکومت ء در کنت ء ملک ء سیاسی ء انتظامی جاوراں یک رندے پداوتی دست ء کنگ ء جھد کنت۔ اے میان ء بشیر ء در کنگ ء رند فوج ء آدگہ سیاسی پارٹیاںی نیگ ء چہ یک ٹرانزیشنل حکومتے جوڑ کنگ بیت کہ آئی ء توک ء سیاسی ء فوجی دو میں اسٹیک اولڈر حکومت ء توک ء بنت۔ جنرل عبدالفتاح البرہان کہ مروچی سوڈانی آرمی ء کماش انت ء نیگیں کرا سزانی مستریں کرداراں چہ یکے۔ اے دومی فوجی ادارہ ء سویلین لیڈر شپ ء گوں یک معاہدے کنت کہ زوت ء چہ زوت فوجی حکومت ملک ء توک ء الیکشن کنائین ایت ء جمہوری ء سیاسی حکومت ء ملک ء انتظامی ء سیاسی چست ء ایر دست ء دیگ بنت ء سوڈان ء توک ء جمہوریت بحال کنگ بیت بلے اے بشیر ء کنگ ء گوں سوڈان یک نوکیں کرا سزے ء آماج بیت۔

دوسال ء جنرل الفتاح البرہاں ء نیگ ء چہ یک فوجی بغاوتے ء شکل Transitional حکومت اے بنیاد ء هلاس کنگ بیت کہ ملک ء توک ء سیاسی سینتانی ہاتر ء جنگ زیادہ انت ء فوج یک رندے پدا ششمی رند ء ملک ء سر ء سرجم ء قبضہ کنت۔ وتی کنگیں وعدہ چہ دستبردار بوگ ء ملک ء توک ء یک رندے پدا فوجی حکومت ء رانافظ کنگ ء هلاپ ء لس مھلوک یک رندے پدا مز نیں کسائے ء زھر شانیاںی بندات کنت کہ آمر نیں کسائے ء گوں زلم ء زور اکی ء چہ هلاس کنگ ء زور کنگ بنت۔ اے ہے کرا سزے دوران بیت کہ سوڈان ء توک ء سوڈانی آرمی ء سربراہ ء ریپڈ فورس، کہ فوج ء یک بہرے بیت، آھانی میان ء جنگے بندات بیت کہ اے جنگ خانہ جنگ ء شکل زور ایت ء یک مز نیں کسائے ء سوڈان ء توک ء تباہی ء سبب جوڑ بو تگ۔

# A History of Sudan Coups

Coups/coup attempts/coup plots in Sudan since 1956

■ Failed attempt ■ Thwarted/alleged plot ■ Successful



سوڈان ۽ بوتگیں فوجی coups آنی چارٹ۔ سوہمندیں coups شوئزین رنگ ۽ زاهر انت، ناکامیں سہریں رنگ ۽ زاهر انت ۽ ہما وھد ۽ کہ coup ۽ کوشست ۽ بوتگ آہ زردیں رنگ ۽ گوں پیش داشتگ۔


/Source: Statista Website: <https://www.statista.com/chart/26044/sudan-coup-timeline>

## انوکس کر اسز:

انوکس سوڈان ۽ خانہ جنگ ۽ واڈری نئس کردار آنت کہ یکے آھانی تہ ۽ جنرل عبدالفتاح البرھان ۽ دو می جنرل محمد حمدان عرف حمیدتی آنت۔ اے یک زمانگے ۽ یکے دو می ۽ گو ماشر اکت دار ۽ نزیک بو تگ آنت۔ بلے مروچی یکے دو می ۽ دژ من جوڑ بو تگ آنت۔ اے جنگ ۽ بندات دار الحکومت خرطوم ۽ آدگہ ہنداں ہا وھد ۽ بندات بیت وھدے ریپڈ سپورٹ فورسز ۽ سوڈانی آرمی ۽ میان ۽ وت ماں وتی ارش بندات بیت۔ اے دوئس جنرل زمانگ ۽ ہکار بو تگ آنت ۽ فوج ۽ توک ۽ ایٹاں یکجائی ۽ کار کنگ۔ فتاح البرھان ۽ دقلو دوئس دار فور نسل کشی ۽ توک ۽ مز نئس نامی نئس کردار زانگ بنت ۽ ساؤتھ سوڈان ۽ تحریک ۽ ہلاک کنگ ۽ واستہ اشاں مز نئس نسل کشی یے کنگ۔ جنرل فتاح البرھان بنیاد ۽ چہ فوجی افسرے بیت ۽ دار فور نسل کشی ۽ وھداں سوڈانی فوج ۽ کار وائیانی سر وکی ۽ کنت ۽ فوجی یک گراؤنڈ ۽ چہ جنرل ۽ عہدہ ۽ سر ۽ کیت ۽ حمیدتی، بزاکہ دقلو جنوید ملیشیا کہ کسانئس ملیشیا ۽ فوجے بیت کہ آئی ۽ سوڈانی آرمی سوڈان ۽ توک ۽ غیر عربانی ہلاپ ۽ کار مرز کنت، ہمانی ۽ کمانڈرے بیت، وھدے ساؤتھ سوڈان ۽ جنزوتی زوراں بیت گڑا اے جنرل ۽ راتوی ملیشیا ۽ وسیلہ ۽ چہ باغیاں ہلاک کنگ ۽ زمہ واری دیگ بیت ۽ آئی ۽ قیادت ۽ کنت، آجنوید ۽ یک نوکس شیکے ریپڈ سپورٹ فورسز ۽ نام ۽ جوڑ کنگ بیت کہ آئی ۽ کار سوڈانی فوج ۽ کمکاری کنگ بیت ۽ دقلو ہمے فوج ۽ سر براہ کچین کنگ بیت۔ عمر البشیر حمیدتی ۽ وتی سیاسی کسدانی ہاتر ۽ کار مرز کنت ۽ ریپڈ فوج ۽ راتوی بغاوت ۽ شکست دیگ ۽ ہلاک کنگ ۽ واستہ مھکم کنت۔ بلے 2019 ۽ ریپڈ سپورٹ فورسز گوں سوڈانی آرمی ۽ ہمبرائی ۽ چہ زھر شانیاں پانگ چست کنت ۽ ملک ۽ سر ۽ وتی تاکت ۽ زور کنت۔ فتاح البرھان ۽ حمیدتی ۽ میان ۽ اختلاف ہا وھد ۽ بندات کن آنت کہ وھدے برھان بشیر ۽ کو ہنئس مردماں ملک ۽ اہمئس عہدہ ہانی سر ۽ دو بر بحال کنگ بندات کنت ۽ اسلامک بنیاد پرست ۽ ملک ۽ توک ۽ واتر جاہ دیگ شروع کنت۔ اے جیرہ ہا وھد ۽ گیش ودلیت وھدے البرھان ۽ نیمگ ۽ چہ ریپڈ سپورٹ فورسز ۽ سوڈانی آرمی ۽ توک ۽ ضم کنگ ۽ جہد ۽ کوششت بندات بنت ۽ حمیدتی ۽ راد و سال ۽ مدت دیگ بیت کہ آوتی فوج ۽ سوڈانی آرمی ۽ توک ۽ ضم بہ کنت۔ اے معاملہ ۽ سر ۽ اختلافات گیش وونت ۽ دوئس فوجی قیادت یکے دو می ۽ ہلاپ بوگ بندات کن آنت۔ ریپڈ سپورٹ فورسز وت ۽ نیز گار ۽ گرہیں مردمانی توار پد کنگ ۽ جہد کنت ۽ دو می نیمگ ۽ سوڈانی آرمی ۽ راملک ۽ اشرافیہ جبک ۽ حمایت گوں بیت۔ اش اختلافات سیاسی توجیل ۽ نیمگ ۽ نہ روت ۽ دوئس فوجانی نیمگ ۽ چہ جنگ بندات بیت، خرطوم ۽ دار فور ۽ نسل کشی ۽ عبرتناکئس واقعات دیم ۽ کابنت۔ ایوک ۽ خرطوم ۽ 61 ہزار ۽ گیش انسان اے جنگ ۽ میان ۽ کنگ بو تگ۔ اے وھد ۽ داں ریپڈ سپورٹ فورسز ۽ دست ۽ ملک ۽ دار الحکومت خرطوم، دار فور ۽ واڈاڈانی ۽ مز نئس شہر دست ۽ آنت ۽

دومی نیمگ ء فوج ء دست ء سوڈان پورٹ ء ساؤتھ ء نار تھ ء ہند ء دگ آنت۔ دوئیں فوجی تاکت ہستیں وھد ء کیے دومی ء ہند ء دگاں وتی دست ء آرگ ء جھد کنگ ء آنت۔ فوج ء نیمگ ء چہ ایریکل بمب ء توپانی سبب ء مزین کساس ء بے گناہیں مردم کنگ بوتگ آنت۔ چشکہ یو این ء کنگ ء رد اہزارانی کساس ء زالبول جنسی تشدد ء آماج کنگ بوتگ آنت ء اے عمل انگت برجم آنت۔ دار فور ء توک ء رپیڈ فورسز ء فوجیانی نیمگ ء چہ نسلی بنیاد ء Massalit ء غیر عربانی چکچینی کنگ ء گپ ہم دیماکینت۔ چہ جنگ ء سبب ء سوڈان ء تباہی ء آماج بوتگ ء 40 فیصد معیشت کپتگ۔ سوڈان دنیا ء گریب ترین ملک ء چہ کیے زانگ بیت۔ سعودی عرب ء بحرین ء دوئیں فریقانی میان ء مذاکرات کنگ ء جھد کنگ بوتگ آت بلے دوئیں رند ء مذاکرات بے سوب بوتگ آنت ء دوئیں فریق فوجی تاکت ء چہ مسئلہ ء توجیل کنگ لوٹ آنت۔

نوٹ: جھلا دانگیں اکسانی تہا سوڈان بوتگیں refugees ء مسئلہ چارٹ ء شکل ء زاہر انت۔



## سوڈان کراسز آدگہ ملائی کردار

بازیں سیاسی تجزیہ نگارانی رد و نیا آدگہ مزین تاکتانی اے جنگ ء توک ء بہر زورگ ء دویں فوج ء جتائیں مک ء سپورٹ ء چہ اے جنگ گیش مزین بوتگ ء سوڈان ء اے جنگ ء سبب ء چہ جتائیں عالمی کلاڑی ہم پامدگ چست کنگ ء کوشت کنگ ء انت۔ چشکہ جنرل فاتح البرہان ء رامطر، یوکرین، ایران، ہیریاٹریا ء جتائیں ملائی نیمگ ء چہ وتی سیتانی ہاتر ء سپورٹ کنگ بوگ ء انت۔ ہاس مطر، کہ سوڈان ء گوما آئی ء مزین سیمسرے بندوک انت، جنرل البرہان ء اے جتائیں رنگ ء مک کنگ ء انت چشکہ دویں فوجی حکومت ء ڈومینسی ء منو گرانت۔ ایران ہم انجش کنگ بیت کہ وتی ڈرون ء مزین کسارے ء فاتح ء ادرادیک ء انت ء یوکرین ء نیمگ ء چہ ہم 2023 ء وھد ء فاتح البرہان ء گوما ملک بیت کہ سوڈان ء توک ء روس ء وگنر ملیشیا ء ہلاپ ء جنگ ء فاتح ء سپورٹ ء مک بہ کنت۔ ہے ڈول ء دومی نیمگ ء حمیدی ء ریپڈ سپورٹ فورسز ء اہم جتائیں رنگ ء مدت ء مک کنگ بوگ ء انت۔ لیبیا، روس ء فوجی ملیشیا وگنر گروپ ء نیمگ ء چہ اے جنگ ء توک ء حمیدی سپورٹ کنگ بوگ ء انت کہ دانکہ ریجن ء توک ء روس وتی سیتاں گپت کت بہ کنت۔ یو اے ای ء نیمگ ء چہ ہم کنگ بیت کہ حمیدی ء اچاڑ ء وسیلہ ء چہ سپورٹ کنگ بوگ ء انت۔ متحدہ عرب امارات ء نیمگ ء چہ اے گپ رد کنگ بوتگ انت۔ بلے انجش گمان بیت کہ یو اے ای ء نیمگ ء چہ کسان مزین سپورٹ کنگ بوگ ء انت۔ دومی نیمگ ء سعودی عرب کہ وتی نیول پروجیکٹ، ء ریڈ سی ء سیکورٹی ء واستہ کوشت کنگ ء انت کہ زوت ء چہ زوت اے جیڑہ توجیل ء نیمگ ء بہ رؤت دانکہ اے ریجن ء سیکورٹی سامنند مہ بیت۔ دومی نیمگ ء اپریکہ ء ریجنل ملک یستویا ء کینیا ء نیمگ ء چہ ہم جنگ ء اثرات گیش یوان انت ء اشانی جہد انت کہ جیڑہ ء گیش ء گیواری ء توک ء وتی کردار ء پیلو بہ کن انت۔ کجانہ کجا سوڈان ء جنگ ء توک ء بازیں ملک ہوار انت بلے انگت تک مزین کسارے ء سنجیدگی ء گوما اے دویں جنرل مذاکرات ء ٹیبل ء سر ء آرگ نہ بوتگ انت ء گیش ء چہ گیش ملک وتی سیاسی سیتانی رکنگ ء جہد ء انت۔

## سوڈان ء کراسز ملک ء نسلی بہر ء بانگ

سوڈان ء یک نیمگے عرب آبائی ء دومی نیمگے ء غیر عرب آبائی انت۔ 2003 ء وھد ء دار فور ء نیمگ ء چہ سنٹرل حکومت ء ہلاپ ء مزاحمتی جُزے وتی مردمانی ہلاپ ء حکومت ء سلوک ء سر ء چست کنگ بیت کہ آئی ء لوٹ سنٹرل حکومت ء نیمگ ء چہ وتی مھلوک ء واستہ گھتریں آسرائی ء لوٹ بیت۔ اے



جنزہ ہلاک کنگ ء ہاتر ء بشیر ء نیمگ ء چہ یک عرب فور سے ٹینگ بیت کہ آئی ء سروک حمیدتی بیت، اے فوج مزین کس سے ء سوڈانی فوج ء ہمہرائی ء دار فور ء غیر عربانی نسل کشی ء کت۔ سوڈان ء نسلی تقسیم ء سبب ء مدام غیر عرب ٹارگٹ کنگ ء تاوان دیگ بوتگ آنت ء دار فور ء ربحن ء غیر عرب ء جتائیں اپریکن نسلی گروہاں عربانی ہلاپ ء تحریک جنزہ ینگ ء آہاناں تاوان داتگ۔ سوڈان ء مرکزی حکومت ء توک ء گیش اسلامک بنیاد پرستانی حکومت بوتگ ء حکومت ء ہستیں واکدار مدام اسلامک بنیاد پرست اہمیت داتگ ء آدگہ نسلی ٹولی ٹارگٹ کنگ آنت کہ چریشی ء ملک ء نسلی گر ء جیل مدام موجود بوتگ آنت۔ دو ہزار ء و ہداں اے نسل کشی ء توک ء مٹ بنت ء نیگیں و ہداں ہم و ہدے کہ جنگ بندت بیت گڑا غیر عربانی ہلاپ ء حمیدتی ء فوج ء سوڈانی فوج ء نیمگ ء چہ مزین نار و سلوک دیما کانت ء مزین کس سے ء اے الا کہاں مہلوک نسل کشی ء آماج کنگ بنت۔ دار فور ہے الا کہ انت کہ اد ء گیش غیر عرب آبات آنت کہ آہانی تہ ء عیسیٰ ہم ہوار آنت۔ انیگیں جنگ ء مزین کس سے ء چرچ تباہ کنگ بوتگ آنت ء چرچ ء تاوان دیگ ء ہوار پادری ء آدگہ عیسیائی مہلوک تاوان ء شکار کنگ بوتگ آنت، آہانی زالبول جنسی تشدد ء آماج کنگ بوتگ آنت ء آہانی ہلاپ ء جتائیں زور کی انگت برجم آنت۔ اے اسلامک بنیاد پرست ء جتائیں پریشانی نیمگ ء چہ مک ء سپورٹ کنگ بوگ ء انت۔

## آسر

ہر چونیں ریاستے بہ بیت، و ہدے آئی ء سیاسی ء جمہوری یا چشیں حکومتے مہ بیت کہ آئی ء لس مہلوک سپورٹ کنگ ء انت یا ہما حکومت لس مہلوک ء ہاتر ء کار کنگ ء بدل ء چندیں ایلپیٹ ء جزلانی واستہ بہ بیت گڑا آئی ء ہلاپ ء بغاوت ء آئی ء تباہی دیر نہ کنت۔ ریاست ء جنزہ ینگ، معاشی، سیاسی، انتظامی، اخلاقی ء عوامی جمہوری رائے احترام، عوامی حمایت ء سپورٹ ء دگہ بازیں انہمیں پوائنٹ ء سرجم بوگ لوٹنت۔ سوڈان یا پریکہ ء آدگہ ریاست کہ کدی جزل ء دست ء یرغمال آنت، کدی خانہ جنگ ء شکار آنت ء یک راستیں راہے ء شوباز ء انگت سرجنان آنت۔ اپریکن ماکاں جمہوری ریاست ء انتظامی ء اخلاقی، جمہوری لوٹ زانگ ء سرپد بوگ لوٹ آنت گڑا آیک مہلمیں ریاست ء جنزہ ینگ ء قابل بوت کن آنت ء اگاں جمہوری ء سیاسی ء لس مہلوک ء لوٹ ء بدل ء ڈکٹیٹر شپ، فوجی حکومت ء چندیں ایلپیٹ ء حکومت اہمیت دیگ بوت گڑا جاوارا نچش بنت کہ مروچی سوڈانی مہلوک نینگ انت کہ ریاست ء آزاد بوگ ء چہ رند بر ہادی ء

تباہی و گیش آماج آنت، خانہ جنگ درخانہ جنگ و آماج آنت و قی مردمانی زندگی ہزارہاب جوڑ کنگ۔ ریاستانی لیڈر شپ سک و مھکمیں، سیاسی، جمہوری، علمی، اخلاقی، و انتظامی علم و چہ سرریچیں مردم بوت کن آنت، اگاں مروچی دنیا و آدگہ ریاستاں سماجی، معاشی، اخلاقی، فوجی، انتظامی معاملاتانی توک و دیرونی کنگ گڑا ہما جمہوری، سیاسی و لس مھلوک و حمایت و کمک و چہ بوتگ۔ لس مھلوک و راگلام دارگ، جبر و زور و آماج کنگ، لس شاپ کنگ، و زندگی و آسرتیاں چہ زبہرگ کنگ، آھاں چہ ووت و ہک و پلگ و چہ ریاست دیرونی کت نہ کن آنت۔ مروچی سوڈان و قی جنڈیں لیڈر شپ و روک کنگیں آس و سچک و آنت و آئی و ہوار و قی مھلوک و زندگی ہم آزاب کنگ۔ چہ سوڈان و جاوراں آدگہ ریاست و راجی جنرینت بہ زور آنت کہ آزادی و ہوار یک ریاست و جوڑ کنگ و مھکم کنگ و واستہ راجے و ورناء مردمانی انتظامی معاملاتانی توک و بلد بوگ و زانگ و مضبوط بوگ، عوام و رائے و احترام کنگ، ملک و توک و جمہوریت آرگ و عوام و رائے ہک و دیگ کہ آوتی نمائندگاں بہ زوریت، انسانی ہکانی احترام کنگ، مردمانی آزادی و احترام کنگ و آیدگہ ہکانی دیگ و گوں یک مھکمیں و جانداریں ریاستے جوڑ بوت کنت۔ اگاں لیڈر شپ و کمزوری و کوتاہی کت، نزوری پیش داشت، ذاتی سیت ترجیح دات آنت، ادارہ تباہ کت آنت، انتظامی معاملاتانی توجیل کنگ و صلاحیت و چہ زبہر بوت آنت گڑا جاوراں نچش بنت کہ مروچی سوڈان و توک و گندگ پیدا ک آنت۔ سوڈان و آے کراسر ہما و ہداں تک ہلا س نہ بنت تنا و ہدی حمیدی و فتح آے گپ و مارشت نہ کن آنت کہ آھاں و قی جنگ و چہ و قی ریاست و ملک و راتباہ و برباد کنگ یا آھانی فوج و قی سربراہانی ہلاپ و بغاوت نہ کن آنت و لس مردمانی نمائندگ و وار نہ دینت کہ آ حکومت جوڑ بہ کن آنت و معاملاتاں نار ملارٹیشن و نیمگ و بیار آنت۔

ہلاس



Source: Aljazeera link: <https://www.aljazeera.com/news/2024/11/14/visualising-the-war-in-sudan-conflict-control-and-displacement>

## References

1. Ochieng, B., & Chibelushi, W. (2024, June 13). *Sudan war: A simple guide to what is happening*. BBC Monitoring & BBC News.  
Link: <https://www.bbc.co.uk/news/world-africa-59035053>
2. United Nations. (2024, October 29). *Sudan's 'living nightmare' continues as 11 million flee war, mass killings*.  
Link: <https://news.un.org/en/story/2024/10/1156266>
3. Al Jazeera. (2023, April 18). *What is happening in Sudan? A simple guide*.  
Link: <https://www.aljazeera.com/news/2023/4/18/what-is-happening-in-sudan-a-simple-guide>
4. Reuters. (2023, April 17). *What's behind Sudan's crisis?*  
Link: <https://www.reuters.com/world/africa/whats-behind-sudans-crisis-2023-04-17/>
5. Wikipedia Contributors. *Coups d'état in Sudan*. Wikipedia. Accessed 1 Dec. 2024.  
Link: [https://en.wikipedia.org/wiki/Coups\\_d%27%C3%A9tat\\_in\\_Sudan](https://en.wikipedia.org/wiki/Coups_d%27%C3%A9tat_in_Sudan)
6. Nunan, T. (2023, April 17). *Omar al-Bashir brutalised Sudan: How his 30-year legacy is playing out today*. *The Conversation*.  
Link: <https://theconversation.com/omar-al-bashir-brutalised-sudan-how-his-30-year-legacy-is-playing-out-today-204391>
7. Al Jazeera English. *Sudan's Ongoing Crisis: A Detailed Report*. YouTube, 2024.
8. DW News. (2024). *Sudan conflict: Inside the ongoing crisis*. YouTube.
9. Sengupta, A. (2023). *Sudan Crisis 2023 Explained | Military Conflict*. YouTube.  
Link: <https://www.youtube.com/watch?v=-Zlp7drqu5Y>
10. Sudan One year IRC report. PDF file link: [https://www.rescue.org/sites/default/files/2024-04/PA2404\\_Sudan%201-year%20Report\\_Final.pdf](https://www.rescue.org/sites/default/files/2024-04/PA2404_Sudan%201-year%20Report_Final.pdf)